


Escrito por Redaccion @valminorinfo
Luns, 20 Maio 2013 21:30



O martes 21 de maio, ás 20:00 horas, na biblioteca de Gondomar, terá lugar a sesión mensual do club de cómic Lecturas Debuxadas que organiza a asociación Espazo Lectura. A sesión estará dedicada a comentar *V de Vendetta*, de Alan Moore e David Lloyd.

Escrito por Redaccion @valminorinfo
Luns, 20 Maio 2013 21:30

V de Vendetta, ademais de ser unha das maiores obras mestras da industria do cómic e unha das obras máis persoais e logradas dos seus autores, Alan Moore e David Lloyd, é unha historia horrible e terriblemente real acerca da perda da liberdade e da identidade do individuo que se ve inmerso nun mundo hostil, frío e totalitario.

Co trasfondo dunha Inglaterra imaxinaria que caeu baixo a bota dun réxime fascista, analízase tanto a vida baixo un estado policial asfixiante como o poder da rebelión e a resistencia do espírito humano ante a opresión e o totalitarismo. Nun mundo onde todo o que non está prohibido é obrigatorio, un só home pode marcar a diferenza.